

آبونه "شرايطي": هر يېر ايجون  
 سنه لکي (۴۰۰) التي ايلني  
 (۲۲۵) ممالك اجنييه ايجون  
 سنه لکي (۴۰۰) التي ايلني  
 (۲۵۰) غروشد.

نسخه سي ۷,۵ غروشد.  
 سنه لکي ۵۲ عدد.

اداره خانه: باب عالي جاده سنده  
 رشيد افندي خائنده

اخطارات  
 آبونه بدلي پشيندر.

مسلكه موافق آثار مع المنونيه  
 قبول اولنور. درج ايدله ين  
 يازيلر اعاده اولماز.

والله يهدي من يشاء الى صراط مستقيم

باش محرر  
 محمد ماکف

صاحب و مدير  
 اشرف اديب

اتبعون اهدكم سبيل الرشاد

# الشيخ الاسلام

سنة ۱۳۳۰

آدره من تبديلنده آريجه  
 غروش كوندريمليدر.

مكتوبلرك امضاري واضح  
 و او قوناقلي اولسي و آبونه  
 صره نومروسي محتوي  
 بولونسي لازمدر

ممالك اجنييه ايجون آبونه  
 اولانلرك آدرس لرينك  
 فرانسزجه يازلسي رجا اولنور.

پاره كوندريمليني زمان نهيه  
 دائر اولديني بيلديرلسي  
 رجا اولنور

جلد ۲۴

۳ توموز ۱۳۴۰

نچشنبه

۳۰ ذى القعدة ۱۳۴۲

عدد ۶۰۷

## اسرار قرآنه

وقالوا اتخذ الله ولداً سبحانه ... الخ الآية

۲

جناب حق مهرانكي بر شيئي تقدير ايدر وضع بديعيله وجوده  
 كتررده صوكره اونى ينه اونك ايجون چيزمش اولديني قانون ونهيج  
 الهيسنى تعقيب ايله مكلف طوتارسه آرتيق اونك ايجون قانون ازلک  
 ساحه شمولندن خارجده قاله بيلمك ، ياخود كوسترديكى يولدن انحراف  
 ايدم بيلمك امكانى اولاماز.

بوتون مخلوقات آره سندن بنى آدمك يريوزنده خليفه اولماسنه مشيت  
 الهيسنى تعلق ايدنجه انسانك بدننه وقفاسنه بونك ايجون لازم كلن اعضا  
 ايله ادراكى توديع ايتدى؛ انسانده كنديسى ايجون مشيتك چيزديكى  
 يولدن يورومهيه باشلادى . واقعا ابنائى بشر آره سنده بومواهدن  
 استفاده يه قدرتياب اولامايانلر يوق دكل؛ لکن بويله لرينك ياني باشنده  
 عيني موهبه لرله خلقتلرينك غايه سنه وارانلر موجود .

مادامك فاطر حكيم كوزى كورمك ، قولاغى ايشيتمك ، ديلي  
 سويله مك ، دري يى حس ايتك ، دماغى دوشونمك ، معدني هضم  
 ايتك ، بوپركلرى بول افراز ايتك ، قلبي ده وجودى بسله ميه صالح  
 قانلري اعضاي بدننه سوق ايدوب ، كيرلشمش قانلري تصفيه كورمك اوزره  
 آق جكرلره سوق ايتك ايجون تقدير بوپورمشدر ؛ كرك بو اعضا  
 وجوارحدن ، كرك جوف صدرى وبطنى ده كي احشادن هيچ برى  
 دست ازلک كنديسنه چيزديكى قانونه قارشى كله من . بناءً عليه كوز

ايشيتمه يه ، قولاق كورمه يه ، قلب بوپركلرك وظيفه سنى ادا ايتمه  
 قالقيشه ماز .

مادامك خلاق كريم قره كنديسى ايجون مقدر اولان منازل  
 هبوطى ، شمس منظومه سييله برلكده سيري ، ارضه ده فضا ايجنده  
 وكندى محورى اطرافنده مواسمى و كجه ايله كوندوزى وجوده كتيره جك  
 طرزده دور وسيراني تقدير بوپورمشدر ؛ آرتيق بونلرك برى ايجون  
 سبرندن ، ياخود اللهم امر ايتديكى وظيفه سندن انحراف امكانى  
 تصور اولونه بيليرمى ؛ هيچ بر زمان اولونه ماز . لا الشمس ينبغي لها  
 ان تدرك القمر ولا الليل سابق النهار وكل في فلك يسبحون .

خلاصه ، يوقايرده ذكر ايتديكمز آيت كريمه سوابقيه ، لواحقيله  
 برلكده اوله رزق آنجاق بر حقيقتى بيلديرمك ايجون گلشيدركه برطاقم  
 عقول فاصره اوحقيقى ادراك ايدمه مك يوزندن خالقله مخلوقى بربرينه  
 بكنزه تيور ، صانعله مضوعى يكديكرينه قاريشديرييور .

تفسير ايتكمده اولديغمز بقره آيتنه كلنج ( بل له ما فى السموات  
 والارض كل له قاستون ) نظم جليليله مسبقدر وشبهه يوقدر كه نص كريمى  
 مسيحك ابن الله اولديغنه ذاهب اولان نصارى ايله جناب حقل قيز  
 اولاد ايدنديكىنى ، ياخود اكيان اكيلدن ، كسيلن حيوانلردن  
 كنديسنه حصه آلديغنى توم ايدر وبوكا بكنزر ديكر برطاقم اوهامه  
 قايلان كيمسه لرك دعواسنى رد ايتكمده در .

كذلك آل عمران - سوره سنده كي آيت جليله نك مقصد نزولى  
 مسيحك ابن الله اولديغنه قائل اولانلري رد ايتكمدن باشقه برشى اولمادي  
 ظاهر در . زيرا نص كريمى صراحة ناطق اولمقده در كه : عيسى عليه  
 السلامك نزد الهيده كي مرتبه سى حضرت آدم عليه السلامك مرتبه سى

فوقنده دکل ؛ ناصیل خالق ذوالجلال آدمی طوپراقدن وجوده کتیر دکن صوکره بر خلقت کامله شکلی آلماسی امر ایدنجه آدم خالقتک امرینه عصیان و حکمنه مخالفت ایدمه دیسه عیسایی ده آلماسی مریمک قارنده جناب حق عینی صورتله تکوین ایتدی. اوخالق ذوالجلالدرکه تراب ایچون مسیحک متشکل بولوندیغی مواده استحاله یی تقدیر بویوروب متعاقباً اوکا صورت ویردی ، روح ازلیسندن نفخ ایتدی ، اوده نام الحاقه بر بشر اوله رق میدانه جیقیدی . عجیبا جناب حق طرفندن وجوده کلسی امر اولنان عیسا ایچون بواراده سبحانییه عصیان، یاخورد بوامره مخالفت قدرتی تصورمیدر ؟

سوره یسن ده کی آیت کریمه یه کلنجه خلاق عظیمک اولمش انسانلره یکیدن جان ویرمک ، طوپراق حالته کلش اجسادی حشر وبعث ایتمک قدرتی کوستره میه جکی وهنده بولنانلری رد ایچون نازل اولدیغی آشکاردر .

شو حالده بوتون بوآیتلردن مقصد خالق بردرکه اوده اللهک مخلوقاتی آردسندن بعضیلرینک امرالهی به قارشی کله بیله جکی وهنده بولنانلره مظهر تکریم اولمش قوللری ایچندن بر طاقینی جناب حقک قیزی ، یاخود اوغلی تاقی ایدنلره هجوم ورددن بشقه برشی دکلد .

بناء علیه مخلوقاتندن هیچ برشی ایچون جناب حقک برامر قولیسی اولدیغنه و هیچ برکلتک «کن» کله سنک آرقه سندن ، یاخود بوکله نیک صدوری اشناسنده حدوث بولدیغنه دائر بوآیت جلیله ده قطعی بردلالت یوقدره هر نه قادار مفسر لر بوخصوصده برچوق سوزلر سولشلسره ده نظر امعان ایله باقائلر آیت کریمه یی اونلرک آکلادقلرندن بوس بوتون باشقه معناده کورورلر. اوت ، شاید (کن) کله سی امر قولی یی مفید اولایدی ، یاخود نظم آیت مأمور بهک درحال حصوله دلالت ایدیدی ( فیکون) کله سی بویله استمرار و تجدد دال اولان مضارع صیغه سیله کلزدی . فاحریفه بر ائکده کلن مضارعت صیغه سنک آکلاندیغی معنی شودر : الله ذوالجلال برامرک وجوده کلسی ایسترده اونی نظم وابداع ایدرسه او امر مبدع و صانعک اراده و حکمتی وجهله فوراً تکون ایدر و خلقت پذیر اولور. شبهه سزه الله ذوالجلالک کائناتی ابداع و تقدیری او حادثه لردندرکه اوزونلغی، قیصه لغی اعتباریله آره لرنده تخالف بولنان بر زمان استهلاک ایدر؛ بونکله برابر موضوع بحث اولان زمان هر حالده تجدد و امتداد ایدوب طوران بر زماندر. الله ذوالجلال کائنات کبرای تشکیل ایدن اجزای دقیقه دن برینک تکوینی مراد ایدنجه او اوافق جرؤک حصوله اراده الهیه تعلق ایتدیکی و قدرت الهیه اونک تکونی ایچون مقتضی اسبابی احضار ایلدیکی کبی اوشی ده تکون ایدر. ناصیل که ( ولقد خلقنا الانسان من سلاله من طین. ثم جعلناه نطفه فی قرارمکین. ثم خلقنا النطفه علقه فخلقنا العلقه مضغه فخلقنا المضغه عظاماً فکسونا العظام

لحمًا ثم انشأناه خلقاً آخر فتبارک الله احسن الخالقین . ) نظم جلیلی بو ترتیبی کوسترمکده در .

بناءً علیه فاطر ذوالجلال خلقتک هر آننده قضاسی یوروتجی دره ، مقتدر دره ، مصور دره ، آمر دره ؛ انسان ده بوتون شو ذکرا و انان اطوار خلقتنده ایسترایسته من مأمور دره ، اجابته مجبور دره . بواعتبار ایله انسان اللهک قوانین تقدیری میانه قویدیغی و قوانین کونییه سنک روحی اتخاذ ایلدیکی او امر الهی ایله طور دن طوره تکون ایدوب طور مقده در . نیته کیم ( ثم استوی الی السماء وهی دخان فقال لها وللارض انیا طوعاً او کرهاً قالنا اتینا طائعين ) آیت جلیله سی ده بونی مؤیددر .

بواعتبار کوره تکون هم فوری ، هم تدریجی اولور . فوری اولماسی شسو صورتله در : مثلاً کائنات مکمله آردسندن انسان برطاقم ذرات صغیره دن ترکیب ایدرک مختلف اطواره کیرر. بناءً علیه بوتون احوال ذریه و تطورات مختلفه سندن تقدیر الهی به نشانه در و خلقتک سرطیعیسی بولنان امر تکوینی به مخاطبدر . بواطوارک کافه سنده صنعی پک بدیع اولان قدرتک منقادیدر ، مطیعیدر ؛ اودست قدرت که حصولی ایستدیکی اوصاف و تمیزاتی اتمام ایدنجه به قادار علاوه ایدر ، طی ایدر ، تصویر ایدر ، تقدیر ایدر طورور .

شاید تکونک فوری اولماسی باشقه برمعناده اولسه یدی حضرت عیسانک خلقتی بیلدیرن آیت جلیله ( ثم قال له کن فیکون ) یرینه ( ثم قال له کن فکان ) طرزنده وارد اولق ایجاب ایدردی .

بونکله برابر اجزای مختلفه دن مرکب اولان و موجودات سائر دن تولد اضطرارنده بولنان بر موجودک فوراً خلقتی مشهوداتمه مخالف اولدقدن باشقه کتاب کریمده ( وان تجد لسنة لله تبدیلاً وان تجد لسنة لله تحویلاً ) بویوران فاطر حکیمک قوانین کونییه سیله ده قابل تألیف دکلد .

مع مافیه ایلریده کله جک آیات کونییه نیک تفسیرنده بوموضوعه دونه رک کیفیت تکوینه و کائناتندن بر قسمک دیکرینه نسبتنه دائر ان شاء الله مطالعاتی بیلدیره جکزر .

## یه نورالایانجیلر

نورالایان مترجم لری صوک ایضاحلرینک دردنجی فقره سنده تأویلك نتائجی بیان صدندده « کلامی ظاهرندن معنای مخالفنه ارجاع ایدنلرده بولوندی ، دیورلر و بوسیله ایله ظهوره کلش اولان فرق ضالهدن بعضیلرینک اسملرینی ذکرا ایدرک اهل سنت و جماعت علماسنک بولنره قارشی مجاهده لرینی تقدیر ایله یاد ایدیورلر .